

NACRT

Na osnovu člana 15. Statuta Udruženja inženjera i tehničara šumarstva Federacije Bosne i Hercegovine, Skupština UŠIT-a FBiH na svojoj sjednici održanoj dana: 20.... godine u Sarajevu donosi:

P R A V I L N I K
o priznanjima
Udruženja inženjera i tehničara šumarstva Federacije Bosne i Hercegovine

I OPĆE ODREDBE

Član 1.

Pravilnikom o priznanjima Udruženja inženjera i tehničara šumarstva Federacije Bosne i Hercegovine (u daljem tekstu: Pravilnik) utvrđuju se priznanja koja dodjeljuje Udruženje, te uslovi i postupak za dodjeljivanje tih priznanja.

Član 2.

Priznanja Udruženja inženjera i tehničara šumarstva Federacije Bosne i Hercegovine (u daljem tekstu: priznanja Udruženja) mogu se pod uslovima i postupku utvrđenim ovim pravilnikom, dodijeliti domaćim i stranim fizičkim i pravnim licima.

Član 3.

Priznanja Udruženja dodjeljuje Predsjednik Udruženja a u njegovom odsustvu Predsjednik Skupštine ili podpredsjednik Udruženja.

II PRIZNANJA UDRUŽENJA

Član 4.

Priznanja Udruženja su:

- Povelja Udruženja:

dodjeljuje se članicama Udruženja, članovima Udruženja, stranim Udruženjima, institucijama, sportskim ekipama i pojedincima za izuzetna dostignuća u naučnom, stručnom, nastavnom, umjetničkom, kulturnom, sportskom i drugim djelatnostima na domaćem i međunarodnom novou na afirmaciji ciljeva za koje se zalaže Udruženje;

- Plaketa Udruženja:

dodjeljuje se za izuzetne zasluge članicama Udruženja, tijelima i članovima Udruženja, za saradnju domaćih i inostranih udruženja i drugih institucija sa Udruženjem, te za značajan doprinos u radu ili razvoju Udruženja i promovisanju šumarske nauke i prakse, značaju šumskog resursa i afirmaciji ostalih siljeva Udruženja;

- Zahvalnica Udruženja:

dodjeljuje se za dugogodišnji uspješan rad članova Udruženja i drugih osoba, za doprinos u radu, razvoju, promovisanju i afirmaciji ostali ciljeva Udruženja;

- Ambasador Udruženja:

dodjeljuje se za promociju Udruženja na međunarodnom nivou.

- Počasni član

dodjeljuje se članovima Udruženja, domaćim i inostranim kolegama i drugim osobama i pravnim licima za izuzetan doprinos u radu i promociji Udruženja u BiH i inozemstvu, radu i promociji šumarstva, te promociji šumarske nauke i struke Bosne i Hercegovine u zemlji i inozemstvu. Počasnim članom Udruženja po automatizmu postaje i predsjednik/ica Udruženja po isteku mandata. Predsjednik/ica ne stiče status počasnog člana ako je smjenjen/a ili podnio ostavku iz neoprvdanih razloga.

Povelja Udruženja

Član 6.

Povelja Udruženja se dodjeljuje domaćim i stranim, fizičkim i pravnim licima, za dostignuća utvrđena u članu 4. ovog pravilnika.

Povelja Udruženja se štampa na kvalitetnom papiru A2 formata, a njen sadržaj čine: naziv i znak Udruženja, naziv priznanja, ime i prezime fizičkog lica, odnosno naziv pravnog lica, kratko obrazloženje iz Odluke Upravnog odbora o dodjeli Povelje Udruženja, broj i datum izdavanja, te potpis Predsjednika i pečat Udruženja.

Plaketa Udruženja

Član 7.

Plaketa Udruženja dodjeljuje se domaćim i stranim fizičkim i pravnim licima za zasluge utvrđene u članu 4. ovog pravilnika, u pravilu jedanput godišnje.

Plaketa Udruženja se štampa na kvalitetnom papiru A3 formata, a njen sadržaj čine: naziv i znak Udruženja, naziv priznanja, ime i prezime fizičkog lica, odnosno naziv pravnog lica, kratko obrzloženje iz Odluke Upravnog odbora o dodjeli Plakete Udruženja, broj i datum izdavanja, te potpis Predsjednika Upravnog odbora i pečat Udruženja.

Uz Plaketu Udruženja može se dodjeliti i i prigodno obilježje reljefnog izgleda sa ugrađenim znakom Udruženja a sadrži naziv priznanja, ime i prezime fizičkog lica, odnosno naziv pravnog lica. Odluku o konačnom izgledu ovog obilježja donosi Skupština.

Zahvalnica Udruženja

Član 8.

Zahavalnica Udruženja se dodjeljuje domaćim i stranim fizičkim i pravnim licima za uspješan rad utvrđen u članu 4. ovog pravilnika.

Zahvalnica Udruženja se štampa na kvalitetnom papiru A3 formata, a njen sadržaj čine: naziv i znak Udruženja, naziv priznanja, ime i prezime fizičkog lica, odnosno naziv pravnog lica,

kratko obrazloženje iz Odluke Skupštine o dodjeli Zahvalnice Udruženja, broj i datum izdavanja, te potpis Predsjednika Upravnog odbora i pečat Udruženja.
Ambasador Udruženja

Član 9.

Priznanje ambasador Udruženja dodjeljuje se domaćim i stranim fizičkim i pravnim licima za doprinos utvrđen u članu 4. ovog pravilnika.

Ovo priznanje dodjeljuje se na period od 4 (četiri) godine i može se dodijeliti istom fizičkom ili pravnom licu više puta.

Priznanje Ambasador se štampa na kvalitetnom papiru A3 formata, a njen sadržaj čine: naziv i znak Udruženja, naziv priznanja, ime i prezime fizičkog lica, odnosno naziv pravnog lica, kratko obrazloženje iz Odluke Skupštine o dodjeli priznanja Ambasador Udruženja, broj i datum izdavanja, te potpis Predsjednika i pečat Udruženja.

Počasni član

Član 10.

Priznanje Počasni član Udruženja dodjeljuje se domaćim i stranim fizičkim i pravnim licima za doprinos utvrđen u članu 4. ovog pravilnika.

Priznanje Počasni član se štampa na kvalitetnom papiru A3 formata, a njen sadržaj čine: naziv i znak Udruženja, naziv priznanja, ime i prezime fizičkog lica, odnosno naziv pravnog lica, kratko obrazloženje iz Odluke Skupštine o dodjeli priznanja Počasni član Udruženja, broj i datum izdavanja, te potpis Predsjednika i pečat Udruženja.

III POSTUPAK DODJELE PRIZNANJA UDRUŽENJA

Član 11.

Prijedlog za pokretanje postupka dodjele priznanja Udruženja mogu dati: organi upravljanja Udruženja, **na prijedlog članstva.**

Prijedlog za pokretanje postupka upućuje se u pismenom obliku Odboru za dodjelu priznanja Udruženja (u daljem tekstu: Odbor).

Član 12.

Prijedlog za dodjelu priznanja Udruženja fizičkom licu obavezno sadrži:

- životopis/biografiju,
- opis njegovog profesionalnog i javnog rada,
- obrazloženje doprinosa na kojem se temelji prijedlog.

Prijedlog za dodjelu priznanja Udruženja pravnom licu obavezno sadrži:

- naziv i sjedište,
- djelatnost,
- obrazloženje doprinosa na kojem se temelji prijedlog.

Član 13.

Skupština Udruženja donosi Odluku o dodjeli priznanja Udruženja na osnovu Izvještaja Odbora.

Izvještaj Odbora sadrži podatke utvrđene u članu 12. ovog pravilnika.

Član 14.

Dodjela priznanja Udruženja je svečani čin, a izabranim fizičkim/pravnim licima, uručuje ih Predsjednik Udruženja ili u slučaju njegove nemogućnosti predsjednik Skupštine ili podpredsjednik Udruženja na svečanosti povodom Međunarodnog dana šuma ili drugim prigodnim svečanostima.

IV ODBOR ZA DODJELU PRIZNANJA UDRUŽENJA

Član 15.

Odbor za dodjelu priznanja Udruženja može imati do 9 članova, a imenuje ga Upravni odbor Udruženja.

Mandat Odbora traje četiri godine, odnosno sa do kraja mandata organa koji ga je izabrao.

Član 16.

Odbor radi na sjednicama.

Sjednica Odbora može se održati ako joj prisustvuje većina od ukupnog broja članova Odbora.

Odbor donosi odluke većinom od ukupnog broja članova.

Član 17.

Stručne i administrativne poslove za rad Odbora i postupak dodjele priznanja obavlja generalni sekretar koji je po automatizmu član Odbora i Upravni odbor Udruženja.

Član 18.

Generalni sekretar Udruženja vodi posebnu evidenciju o dodjeljivanju priznanja Udruženja.

Odluke o dodjeljivanju priznanja Udruženja objavljuju se u časopisu „Naše šume“ ili web stranici Udruženja.

V PRELAZNE I ZAVRŠNE ODREDBE

Član 19.

Izmjene i dopune ovog pravilnika donose se na način i po postupku utvrđenom za njegovo donošenje.

Član 20.

Ovaj pravilnik stupa na snagu od dana usvajanja na Skupštini Udruženja.

Broj:
Sarajevo, 20.... godine

Predsjednik Skupštine

Emir Islamović, dipl.ing.šum.